

# Platt partu:

**Plattpartu – Rundbreef 2026-07**

## **Football-Pleite**

Wi höpen op en diegen Summer  
un ok op Nico Schlotterbecken.  
Man nee, denn muttst ok siegen, Dummer!  
Sünst kannst na Huus un Botter schlecken.

Moinmoin, leve plattdüütsche Maten un Frünnen!

Ja, de WM hett anfangen, un de [Düütschen sünd fix rutfloppt](#) – [villicht nich bloots Pech](#). Nu köönt wi uns ganz ahn naschonaales Hartkloppen an schönen Football frein! Un ok dat Sommerweder is hier in'n Noord wedder to Besinn kamen un maakt [nich mehr de Mega-Hitten](#) un vör allen nicht de [gresige Dröögde](#). Liane Breiholz' [Riemel op den kolen April](#) erinnert noch doran, woans dat noch vör korte Tied utsehg. Nu [blöht de Rosen](#), wi sünd [frie as Vagels](#), un sogar de [Hunnewuppshupen sünd bunt](#) as de Sommer. Ja, lyriklastig sünd wi bi Plattpartu sowiso, avers in'n Junimaand nehm dat so'n beten överhand mit [Fontane-Balladen](#), [falsche Tähn](#), [Spott övern Hahnrei](#), [histoorsche Bänkelleder](#) – un sogar [Frikadellen laat sik riemeln](#) (un klaart dorbi över Fleeschqualität op). [De Lokus-Blues](#) mutt eentlich sogar sunge warrn. Man in Prosa verfolgt uns Maat Behrend Böckmann [op uns' Welt-Flack](#) unerbittlich de Tiedlööp – un treckt mennigmaal histoorsche Vergleken, etwa mit [de 1920er Johr un hüüt](#) orr uns [tradischonelle un moderne Fierdagskultur](#). Un en schöne Dialogandacht hebbt wi noch, de [dat "grote Avendmahl" ut Jesu Glieknis na hüüt rinhaalt](#).

Op't Kinnerflack giff't twee Geschichten: [Lütt Martin lehrt sik de Nees putzen](#), un bi "Modder Sünn ehr Kinner" [kaamt de Lichtswärmer to't Sommerfest](#). Un so en Sommerfest schall de Sommer för uns all ween! De Tied geiht so fix, de Daag warrt al wedder kötter, de eersten Feller sünd all meiht... Ik wünsch Se un Juuch all en Sommer to'n Geneten. Maakt Paus, snackt Platt un verlöövt sik eenfach, glücklich to ween! Wi leest uns wedder in'n Aarnmaand.

---

Nu de Linkliste. Op de Links bruukt Se bloots klicken, dat Se henkaamt.

### **Plattdüütsch Kunst:**

[Notizen ut'n Nevelmaand](#). Fotos un Versen vun Marlou Lessing (30.6.)  
[Dei bunte Hunnewupp-Hoop](#). Vun Ludgerd Lüske (13.6.)

## **De Welt un Gott:**

[Wenn dei Drüdden nich wiern](#). Vun Behrend Böckmann (20.6.)  
[Höhnergloben](#). Vun Heinz Rehn (19.6.)  
[Dat Grote Avendmahl](#). Dialog-Andacht vun Marlou Lessing (14.6.)  
[De Lokus-Blues](#). Vun Addi Kahl (13.6.)  
[De Bruch an'n Tay](#). Vun Theodor Fontane, överdragen vun Klaus-Dieter Tüxen (12.6.)  
[De ole Plünn'njööd](#). Vun Ewald Eden (12.6.)

In't [Lütte Gebedbauk](#):

[Vagelfrie](#) vun Ute Biemüller (7.6.)

## **Natuur un Wetenschap:**

[In'n Rosenmånd](#). Vun Behrend Böckmann (7.6.)  
[Frikadellen von taufräden Schwien](#). Vun Behrend Böckmann (3.6.)

In't [aktuelle Natuur-Notizbook](#):

[Sommerwunsch](#). Vun Behrend Böckmann (27.6.)  
[Väl Hitt un wenig Natt](#). Vun Behrend Böckmann (21.6.)  
[Waterspelen](#). Vun Marlou Lessing (7.6.)  
[De Bock hett keen Bock](#). Vun Marlou Lessing (3.6.)

## **Wat in de Welt vörgeiht:**

[Dat Gesamtkunstwark Rente](#). Vun Behrend Böckmann (29.6.)  
[Dei Bräuder Pantisano](#). Vun Behrend Böckmann (28.6.)  
[Veggieday, Frugensdach & Co](#). Vun Behrend Böckmann (21.6.)  
[Dei "Güllen Twinniger"](#). Vun Behrend Böckmann (14.6.)

In't [plattdüütsche Notizbook](#) vun Marlou Lessing:

[Danke, Jungs!](#) (30.6.)  
[Se wüllt uns testen, oder?](#) (19.6.)  
[Football-Soschalismus](#) (14.6.)  
[Ja = Ja, Nee = Nee](#) (13.6.)

## **För Kinner:**

[Modder Sünn ehr Kinner: Lichtswärmer](#). Märken vun Sophie Reinheimer, överdragen vun Klaus-Dieter Tüxen (27.6.)  
[Dei Nachtmär seet em up'e Bost](#). Vun Behrend Böckmann (7.6.)

**Platt to Hand:**

April. Vun Liane Breiholz (20.6.)

---

Hartlich grööt

Marlou Lessing un dat lütte Plattpartu-Team